

AKHBAR : BERITA HARIAN

MUKA SURAT : 3

RUANGAN : DASAR & PENTADBIRAN

JPA perlu semak gaji profesional perubatan

● Usaha pastikan negara tidak kehilangan tenaga mahir: TPM

oleh Shamsul
Kamal Amarudin
shaka@bh.com.my

► Bagan Datuk

Datuk Seri Dr Ahmad Zahid Hamidi berkata, Jabatan Perkhidmatan Awam (JPA) perlu menyemak semula skim dan struktur gaji profesional kesihatan bagi mengelak masalah kehilangan tenaga mahir ke luar negara atau 'brain drain'.

Timbalan Perdana Menteri berkata, walaupun Kementerian Kesihatan melakukan fleksibiliti tugas, iaitu

menbenarkan mereka bertugas dalam sektor awam dan swasta sekali gus, ia masih tidak mampu menghalang masalah 'brain drain'.

"Sudah tiba masanya, JPA melihat semula skim dan struktur gaji profesional perubatan.

"Walaupun tahu ia akan membabitkan pelbagai sektor lain dalam perkhidmatan awam, kita tidak mau kehilangan tenaga pakar dalam bidang kesihatan.

"Kita sudah banyak melabur dalam latihan dan keperluan lanjutan bidang tertentu kesihatan sedangkan negara berkenaan (negara luar di mana profesional tempatan bekerja) tidak mengeluarkan apa-apa," katanya.

Beliau yang juga Ahli Parlimen Bagan Datoh bercakap kepada media selepas melancarkan Program Kesihatan Pergigian Warga Kolej Komuniti peringkat kebangsaan 2017 di sini, semalam.

Yang turut hadir Timbalan Menteri Kesihatan, Datuk Seri Dr Hilmie Ya-

haya dan Pengurus Jawatankuasa Sumber Manusia, Beliau dan Sukan negeri yang juga Ahli Dewan Undangan Negeri (ADUN) Rungkup, Datuk Shahruh Zaman Yahya.

Kekangan tawar imbuhan

Ahmad Zahid berkata, ketika ini tawaran imbuhan dan gaji bagi profesional perubatan, termasuk doktor serta jururawat di luar negara adalah tinggi tetapi ada kekangan sektor awam untuk menawarkan imbuhan sama kerana profesional dalam bidang lain akan turut menuntut perkara sama.

Justeru, beliau menyerahkan kepada kebajaksanaan JPA untuk melakukan penilaian dan semakan semula itu kerana baginya tidak salah untuk melihat semula keperluan di KKM, demi mengekalkan tenaga pakar dan profesional kesihatan dalam negara.

Katanya, tenaga pakar dan profesional kesihatan juga harus dikalkan berada dalam negara kerana

Ahmad Zahid menyaksikan pertukaran memorandum persefahaman antara Pengarah Kanan Kesihatan Pergigian Kementerian Kesihatan, Datuk Dr Noor Aliyah Ismail (kanan) dengan Timbalan Ketua Pengarah Jabatan Pendidikan Kolej Komuniti Kementerian Pendidikan Tinggi, Mohd Nasir Abd Ghani pada Program Kesihatan Pergigian Warga Kolej Komuniti peringkat kebangsaan 2017 di Bagan Datuk, semalam.

ada potensi besar pelancongan kesihatan di Malaysia.

Ahmad Zahid berkata, Kementerian Pelancongan dan Kebudayaan kini menggalakkan pelancongan kesihatan kerana caj dan bayaran perkhidmatan di Malaysia adalah rendah sedangkan kualiti perubatan di negara ini adalah lebih tinggi atau setara dengan negara lain.

Bukti negara luar iktrif

Terdahulu, dalam ucapannya, Ahmad Zahid berkata, ramai jururawat dari negara ini bekerja di luar negara kerana mereka menerima gaji minimum RM10,000, terutama di Asia Barat, sama dengan gaji diterima jururawat terlatih dari Amerika Syarikat atau Eropah.

Beliau berkata, ia sekali gus menunjukkan negara luar mengiktiraf pendidikan dan latihan di negara ini sebagai antara yang terbaik, berbanding rakyat tempatan yang masih meragui dan tidak mengiktiraf pendidikan tempatan.



[FOTO ABDULLAH YUSOF/BH]

AKHBAR : KOSMO**MUKA SURAT : 6****RUANGAN : SEMASA**

Kaji tangga gaji doktor pakar

BAGAN DATUK - Jabatan Perkhidmatan Awam (JPA) diminta mengkaji semula tangga gaji tenaga pakar dalam sektor kesihatan bagi mengelakkan kehilangan khidmat golongan profesional itu berhijrah ke negara lain.

Timbalan Perdana Menteri, Datuk Seri Ahmad Zahid Hamidi (**gambar**) berkata, tindakan itu perlu bagi mengelakkan kekurangan tenaga mahir dalam negara kerana pendapatan lumayan diberikan oleh negara luar berbanding Malaysia.

“Saya lihat sudah tiba masanya pihak JPA melihat skim dan struktur gaji profesional bidang berketerampilan untuk mengelakkan berlakunya masalah kehilangan tenaga kita ke luar Malaysia,” katanya pada sidang media selepas pelancaran Program Kesihatan Pergigian Warga Kolej Komuniti Peringkat

Kebangsaan 2017 di Sekolah Menengah Sains Bagan Datuk di sini semalam.

Ahmad Zahid yang juga Ahli Parlimen Bagan Datuk sehubungan itu meminta dan menyerahkan kepada kebijaksanaan ketua pengarah JPA untuk mengatasi masalah penghijrahan tenaga profesional bekerja di luar negara.

Beliau berpendapat Malaysia berpotensi besar dalam pelancongan kesihatan yang digalakkan oleh Kementerian Pelancongan dan Kebudayaan kerana kemudahan dan kos perkhidmatan dikenakan jauh lebih rendah berbanding negara lain dalam rantau Asia.

Justeru itu, beliau meminta dan menyerahkan kepada kebijaksanaan ketua pengarah JPA untuk mengatasi masalah penghijrahan tenaga profesional bekerja di luar negara. - Bernama



AKHBAR : SINAR HARIAN**MUKA SURAT : 47****RUANGAN : MELAKA**

Orang ramai masih percayakan hospital kerajaan

BANDARAYA MELAKA - Hospital Melaka kini mengalami penambahan kehadiran dan kemasukan pesakit yang tinggi.

Pengarah Kesihatan negeri, Datuk Dr. Ghazali Othman berkata, ia secara langsung menunjukkan sistem penyampai-an perkhidmatan perubatan sektor kerajaan masih dirasai serta dihargai rakyat.

"Mereka mengharap dan meletakkan harapan yang tinggi terhadap perkhidmatan hospital. Mereka memerlukan perhatian, rawatan serta penjagaan berkualiti selain layanan mesra daripada warga hospital terutama dalam bidang klinikal.

"Ini merupakan cabaran tinggi yang perlu dihadapi semua warga kerja hospital dalam menjelaskan prestasi serta memberikan perkhidmatan perawatan dan penjagaan kesihatan berkualiti tinggi kepada pelanggan," katanya.

Pada masa sama, beliau turut berharap perubahan organisasi hospital kepada hospital kluster dapat meningkatkan perkhidmatan perubatan kepada penduduk setempat serta menambah baik rangkaian pengajaran dan kecekapan.

Sementara itu, pada program semalam, seramai 17 bayi yang dilahirkan pada Hari Malaysia semalam, diraikan.

Suri rumah, Nor Ain Aziz, 30, berkata, dia menyifatkan dirinya bertuah kerana bayinya, Mohd. Adwa Fatih Mohd. Fuad dilahirkan pada Hari Malaysia pada jam 12.23 semalam.

"Saya menjangkakan anak saya akan lahir pada 14 September lalu kerana ketika itu saya sudah mengalami sakit-sakit tanda hendak bersalin, rupanya dia mahu dilahir-kan pada hari istimewa ini.

"Saya, suami dan seluruh keluarga memang rasa sangat gembira dan berharap kelahiran anak ini akan membawa lebih kebahagiaan untuk dirinya sekeluarga," katanya ketika ditemui pada majlis berkenaan, semalam.



Dr. Ghazali (kiri) melawat Nor Ain disamping anaknya, Mohd. Adwa, bayi pertama yang lahir di Hospital Melaka sempena Hari Malaysia, semalam.

Turut hadir, Pengurus Ahli Lembaga Pelawat Hospital Melaka, Datuk Akramudin Aziz dan Presiden Lions Club Tanjung Bidara, Simon Tan Chee Haw.

Ahli Lembaga Pelawat Hospital Melaka turut menyerahkan sumbangan berupa 10 unit peti sejuk serta mesin penapis udara sebagai tambahan bagi kemudahan di hospital berkenaan.

AKHBAR : SINAR HARIAN**MUKA SURAT : 9****RUANGAN : NASIONAL**

Ahmad Zahid meluangkan masa mengzirahi sahabat lamanya, Baharom Said yang menghidap angin ahmar di Kampung Toluk Kerdus, semalam.

JPA disaran kaji semula gaji pakar kesihatan elak hijrah

BAGAN DATUK - Jabatan Perkhidmatan Awam (JPA) diminta mengkaji semula tanda gaji tenaga pakar sektor kesihatan bagi mengelakkan khidmat profesional ini berhijrah ke negara lain.

Timbalan Perdana Menteri, Dato' Seri Dr Ahmad Zahid Hamidi berkata, tindakan itu perlu bagi mengelakkan kekurangan tenaga mahir dalam negara kerana pendapatan lumayan di berikan oleh luar negara.

Jelas beliau, kerajaan telah membelanjakan begitu banyak wang untuk perbelanjaan latihan dan pendidikan

lanjutan mereka sedangkan negara berkenaan tidak pun melabur untuk latihan kepakaran lanjutan bidang tertentu untuk rakyat mereka.

"Sudah tiba masanya pihak JPA melihat skim dan struktur gaji profesional bidang berketerampilan untuk mengelakkan berlakunya tenaga kita ke luar Malaysia.

"Walaupun kita tahu ia melibatkan pelbagai sektor lain perkhidmatan awam, tetapi untuk bidang perubatan kita tak mahu kehilangan ke luar negara," katanya pada sidang media selepas pelancaran Program

Kesihatan Pergigian Warga Kolej Komuniti "Transformation With 1 Smile Together" (Twist) Peringkat Kebangsaan 2017 di Sekolah Meningah Sains Bagan Datuk, semalam.

Turut hadir Timbalan Menteri Kesihatan Datuk Seri Dr Hilm Yahaya.

Program Twist bertujuan meningkatkan pengetahuan warga kolej komuniti berkenaan tentang kepentingan amalan penjagaan kesihatan pergigian dan seterusnya menjadi ejen perubahan serta teladan kepada belia lain. - Bernama

AKHBAR : UTUSAN MALAYSIA

MUKA SURAT : 3

RUANGAN : DALAM NEGERI



AHMAD ZAHID HAMIDI memeriksa gigi seorang pengunjung sambil diperhatikan oleh Dr. Hilmi Yahaya (dua dari kanan) di Klinik Pergigian Bergerak selepas melancarkan Program Kesihatan Pergigian Warga Kolej Komuniti Peringkat Kebangsaan di Bagan Datuk, Perak, semalam. - MINGGUAN/ZULKARNAIN MOHD. SAIDIN

AKHBAR : UTUSAN MALAYSIA**MUKA SURAT : 3****RUANGAN : DALAM NEGERI**

Kaji skim gaji pakar bidang kesihatan

BAGAN DATUK 16 Sept. - Jabatan Perkhidmatan Awam (JPA) diminta mengkaji semula skim gaji pakar-pakar dalam sektor kesihatan bagi mengelakkan mereka berhijrah ke luar negara.

Timbalan Perdana Menteri, Datuk Seri Dr. Ahmad Zahid Hamidi berkata, tindakan itu juga perlu bagi mengelak negara daripada kehilangan tenaga kerja mahir dalam bidang tersebut.

"Walapun saya tahu ia nanti akan melibatkan pelbagai sektor dalam JPA, namun saya rasa sudah tiba masanya kita buat begitu (kaji skim gaji).

"Kita tak mahu kehilangan pakar-pakar ini kerana negara telah membelanjakan begitu banyak untuk perbelanjaan latihan dan pendidikan lanjutan mereka sedangkan negara berkenaan (negara luar) tidak keluarkan apa-apa pun," katanya selepas melancarkan Program Kesihatan Pergigian Warga Kolej Komuniti Peringkat Kebangsaan di Sekolah Menengah Sains Bagan Datuk di sini hari ini.

Tambah Ahmad Zahid, negara juga mempunyai potensi yang amat besar dalam aspek pelancongan kesihatan yang kini menjadi antara agenda penting Kementerian Pelancongan dan Kebudayaan.

Kata beliau, ini berikutan kemudahan dan kos perkhidmatan yang dikenakan di negara ini jauh lebih rendah berbanding negara-negara lain di rantau Asia.

"Fasiliti hospital kita dan hospital pakar kita juga adalah sama dengan piawaian negara-negara lain, jadi saya

Kita tak mahu kehilangan pakar-pakar ini kerana negara telah membelanjakan begitu banyak untuk perbelanjaan latihan dan pendidikan lanjutan mereka sedangkan negara berkenaan (negara luar) tidak keluarkan apa-apa pun."

AHMAD ZAHID HAMIDI
Timbalan Perdana Menteri

pikir Malaysia mempunyai potensi yang cukup tinggi dalam aspek pelancongan kesihatan yang mampu menjana pulangan lumayan.

"Jadi saya harapkan supaya tenaga pakar yang kita ada, kitakekalkan dengan memberikan pulangan lebih baik kepada mereka," katanya

Menurut Ahmad Zahid, kerajaan menyedari pendapatan lumayan yang diterima golongan berkenaan di luar sedangkan kekangan negara tidak boleh memberi gaji yang tinggi kepada golongan profesional tersebut kerana profesi lain pun akan meminta perkara yang sama.

Sehubungan itu Ahmad Zahid berkata, beliau menyerahkan kepada kebijaksanaan Ketua Pengarah JPA untuk memikirkan kaedah yang sesuai supaya perkara ini dapat dilaksanakan segera.

AKHBAR : UTUSAN MALAYSIA

MUKA SURAT : 20

RUANGAN : DALAM NEGERI



AIESHAH ABDUL HANAN (kanan), Siti Fadillah Mohd. Salleh (tengah) dan Noor Liana Razalli berkongsi kegembiraan apabila bayi mereka dilahirkan pada Hari Malaysia di Hospital Pakar KPJ, Johor Bahru, Johor, semalam.

26 bayi Hari Malaysia

KUALA LUMPUR 16 Sept. - Ketika negara menyambut Hari Malaysia hari ini, tarikh istimewa itu turut menjadi detik bersejarah buat pasangan suami isteri bertuah yang menyambut kehadiran ahli baharu dalam keluarga mereka.

Di Melaka, seramai 17 bayi dilahirkan di Hospital Melaka dengan sembilan daripadanya perempuan.

Bagi Nor Ain Aziz, 30, kelahiran anak sulungnya, Mohd. Adwa Fatih Mohd. Fuad pada pukul 12.23 pagi dianggap istimewa kerana tidak menyangka akan lahir pada Hari Malaysia.

"Saya menjangkakan anak saya lahir pada 14 September lalu ketika ketika itu saya sudah mengalami sakit-sakit tanda hendak bersalin, rupanya dia mahu dilahirkan pada hari istimewa ini."

"Saya dan keluarga memang sangat gembira dan berharap kelahiran anak ini akan membawa lebih kebahagiaan untuk dirinya," katanya ketika ditemui dalam satu majlis sambutan Sihat Hari Malaysia Peringkat Hospital Melaka, hari ini.

Dalam pada itu, di Johor Bahru, Johor, seramai tiga bayi dilahirkan di Hospital Pakar Johor (KPJ Johor).

Ibu-ibu yang melahirkan bayi sempena Hari Malaysia itu ialah Aieshah Abdul

Hanan, 27; Siti Fadillah Mohd. Salleh, 29, dan Noor Liana Razalli, 23.

Bayi pertama iaitu perempuan dilahirkan Aieshah seberat 2.7 kilogram pada pukul 2.30 pagi dan bayi kedua (lelaki) dilahirkan Noor Liana seberat 3.64 kilogram (8.44 pagi) manakala bayi ketiga (perempuan) dilahirkan Siti Fadillah dengan berat 2.70 kilogram pada pukul 9.43 pagi.

Noor Liana, 23, yang merupakan jururawat komuniti Hospital Sultan Ismail (HSI) dan kakitangan di sebuah syarikat milik kerajaan (GLC), Md. Farhan Md. Rabu, 29, merasakan mereka bertuah kerana menimang cahaya mata sulung pada hari yang menjadi kebanggaan negara.

"Saya tidak menyangka akan lewat melahirkan bayi lelaki kami yang dijadualkan bersalin empat hari lalu. Bayi kami ini akan dinamakan Amzar Fakruddin," katanya.

Sementara itu, di Perlis, enam bayi dilahirkan di Hospital Tuanku Fauziah, Kangar hari ini.

Salah seorang ibu, Siti Ainur Shuib, 28, tidak menjangka anak keduanya seberat 2.55 kilogram akan mempunyai tarikh lahir sama dengannya sekalipun doktor menjangka 16 September sebagai tarikh untuk dia bersalin.

AKHBAR : NEW STRAITS TIMES

MUKA SURAT : 16

RUANGAN : NATION/NEWS

BRAIN DRAIN

'REVIEW SALARY OF MEDICAL OFFICERS'

Zahid says this is to prevent them from migrating abroad

ZAHRATULHAYAT MAT ARIF
AND BEATRICE NITA JAYA
BAGAN DATUK
news@nst.com.my

THE Public Service Department (PSD) must review the salary scheme for medical officers in order to retain them in Malaysia.

Deputy Prime Minister Datuk Seri Dr Ahmad Zahid Hamidi said this was important because of a number of medical officers migrating abroad for higher pay.

"It is time for PSD to review its salary scheme to prevent a brain drain situation

in the country.

"The country has spent a lot on them in order to give the best services to the people, as well as to improve their skills. Unfortunately, many of them have migrated to other countries."

"We do not want to lose more of our experts because the country has spent a lot on them in terms of training and education."

Zahid, who is also Bagan Datuk member of parliament, said this after launching the national-level Community College Dental Health Programme at SM Sains Bagan Datuk yesterday.

Present was Deputy Health Minister Datuk Seri Dr Hilmie Yahaya.

He said Malaysia had huge potential in terms of health tourism, which was part of an important agenda for the Tourism and Culture Ministry.

"This is because the facilities and ser-



Deputy Prime Minister Datuk Seri Dr Ahmad Zahid Hamidi arriving at SM Sains Bagan Datuk in Bagan Datuk yesterday, to launch the national-level Community College Dental Health Programme. PIC BY ABDULLAH YUSOF

vices provided are far cheaper and considered one of the best in Southeast Asia."

Zahid said he hoped PSD would come up with solutions and measures to resolve the matter.

In Kuala Lumpur, Health director-general Datuk Dr Noor Hisham Abdullah said the government had invested millions of ringgit for the officers' undergraduate and postgraduate education, but were unable to retain them in the public services sector as perks in the private sector were more lucrative.

"It is long overdue for us to review the salary scheme of doctors particularly for specialists, to retain them in the public service. The private sector offers them better income," he told the *New Sunday Times* yesterday.

He said the public sector should provide

a conducive environment, work-life balance and attractive salary scale with perks in continuous medical education, research opportunities and training from time to time to retain talents.

"It seems that other countries are offering better salary and perks to lure our specialists without having to invest in their undergraduate and postgraduate education.

"We should seriously look into this in order to make a difference in our health-care system," he said, adding that even medical officers in the Jusa C category (department heads and those holding Grade 54 positions and above) were resigning.

"The pull factor from the private sector is getting stronger while increasing workload and low incentives are some of the push factors from the public sector."